

1866 - Gentar da s. Martin

Igl onn 1861 ein era las alps Val Val e Val Giuv daventadas Tuatschinas. La biala summa da 7650 francs ha la deliberaziun dil tscheins fier muntau. Bia difficultads ha la "marenda da s. Martin" dau alla venerabla claustra. Pli da vegl havevan ils umens che furnevan alla claustra per il di da s. Martin il caschiel, pischada e tschagrün tenor duer, il dretg sin ina gustusa marenda. Quei fuvà l'obligaziun dalla claustra a lur subdits. Pli tard e culs onns han era ils officials da vischnaunca priu part a quella beinvegnida marenda. Aschia serimnava per quei di in pulit diember Tuatschins, ils cauderschaders, ils mistrals, ils geraus, ils scarvons, ils statalters ed ils salters en ed ord uffeci. Per la claustra en miseria ina grevezia buca supportabla. La deliberaziun da quella grevezia ha custau anno 1866 alla claustra 2000 francs.

(Igl autur da quei text ei Gion Felici Monn, Camischolas. El tschontscha da marenda, cheusut vegn tschintschau d'in gentar!)

Gentar da s. Martin e deivet alla venerabla claustra da Mustér

Gl'onn 1861 ei vegniu fatg la convenziun, nua che **Tujetsch** s'oblighescha da pagar giu il tscheins fier dallas alps **Val Val** e **Val Giuv**, consistent en 600 crenas u 850 funs caschiel grass, annuala grevezia alla claustra da **Mustér**, cun il capital da 7650 frs. en diversas ratas, suenter la quala liquidaziun **Tujetsch** seigi lu sligiaus per adina da tuttas grevezias visavi la claustra.


Suttascrit han:

P. Martin Andreoli, administratur claustral,

e da vart dalla vischnaunca ils geraus:

Hans Giachen Beer, J. A. Berther e Duri Venzin.

Duas quittanzas davart ils pagaments alla claustra:



Quittung

Indenquiesent bezuigt, unlets Gmünd
Tujetsch aus dem mündigen Kapital 1000
(Lumpsummen) u. für 6000 fr. die
aufgezinsten Zinsen, nämlich 300 fr.
als ein Guetz 1300 fr. für die
beim mündigen zu haben

Dienstag d. 11 Nov 1862. + Paulus Berther AD

Quittanza dils 11 da november 1862



G.A. No. 53, 3
1861-66

Quittung

Indenquiesent bezuigt, unlets
von dem Subl. Gmünd d. Samwatsch
indem mündigen für 1000 fr. für den
aus dem Subl. Gmünd d. Samwatsch
am 11 Nov. als Zinsen für 150 mündigen
zu haben

Dienstag d. 13 Nov 1865 + Paulus Berther
AD

Quittanza dils 13 da november 1865

En ina nova e davosa scartira sur quels fatgs da 1866 vegn ei stabilii, che la vischnaunca da **Tujetsch** cedi da sia pretensiun sin il gentar da s. Martin. Persuenter lai la claustra anavos 2000 frs. dil capital, sco era il restont tscheins da 100 frs., ed aschia calan tuts dretgs e grevezias da mintga vart si.

Daco quei gentar da sogn Martin - ils 11-11

Quei gentar da s. Martin per il plevon, ils geraus e calusters, che la vischnaunca pretendeva sco per in dretg, ferton ch'ei era mo ina izonza ni abus, era vegnius si cheutras che la claustra ha giu entschiet a dar ord atgna voluntad e per creanza enzatgei gentar als cautegias da quellas duas alps; silsuenter ei la respectiva suprastonza vegnida vitier e pli tard tut quels ch'eran enzacu stai en uffeci da vischnaunca, aschia che la tablada dumbrava entochen 26 personas.

(Text da pader Baseli Berther)

Cunvenziun dils 13 da november 1866

Ei serrau giu cun il monsignur avat Birker en num dalla venerabla claustra da **Mustér** d'ina vart e da l'otra vart la suprastonza da **Tujetsch**, ina cunvenziun ch'ei d'anflar egl archiv, che plaida en quest cheu detg, ch'ils contrahents ein s'entelgi che la vischnaunca da **Tujetsch** desisti da siu dretg dil gentar da s.Martin, ton digl obercheit sco dil segnerfarrer e calusters, persunter paga e scultrescha la claustra il sura final capital che resta alla vischnaunca aunc derivonts digl arvè da caschiel, sco era il tscheins da quest onn che fa aschia la summa da 2000 frs., aschia sin quella moda ei il sura capital dalla vischnaunca vegnius pagaus cun siu tscheins vitier da maniera ussa pia, che la vischnaunca ha pli nuota d'haver e nuota da dar alla venerabla claustra da **Mustér**.
Lucas Cavegn, gerau

Ils protocols da vischnaunca plaidan aschia davart il gentar da s. Martin

5 da november 1865

Eis ei vegniu mess avon ch'il capital che la vischnaunca hagi da pagar alla venerabla claustra mondi ussa gleiti alla fin e sch'ins vegli avon che finir giu, mirar da s'entelgir cun il gentar da s. Martin ni buc. Suenter da quei ha la vischnaunca incumbensau gerau Lucas Caveng e gerau Schmet da schar ir a mirar da rugalar quei, adina entelgiu cun reservar avon finir giu da rapportar alla vischnaunca per l'approbaziun da quei.

10 da zercladur 1866

Eis ei dumandau, sche la vischnaunca seigi cuntenza da schar intimar la venerabla claustra, ch'ins detti buca il capital che la vischnaunca hagi, entochen che la claustra hagi buca dau garanzia u pègn per il gentar da s. Martin, che quella ei obligada da dar annualmein a tuts quels ch'ein presents sco obercheit, sco era a quels ch'ein stai enzacuras, sco era quels che vegnan pli tard denter igl obercheit da vischnaunca. Ei lura concludiu ch'ei duei vegnir fatg sco cheu avon ei proponiu.

1866, ils 16 da settember

Eis ei vegniu legiu la brev dil Cussegl Pign pervia dil gentar da s. Martin, ch'ei vegni dau per quel 1500 frs. e per igl „Oberalp Strasse“ 500 frs., total 2000 frs. Ha la vischnaunca sinquei ordinau da buca prender meins che 2500 frs. e schar sura als geraus da turnar a scriver al Cussegl Pign.

1866, ils 16 da settember

Eis ei vegniu rapportau ch'il Cussegl Pign hagi tarmess tier alla venerabla claustra ed offeriu per cumprar lartg il gentar da s. Martin alla vischnaunca 1500 frs., dapli 500 frs. sco schenghetg, vul dir per tener las empermischuns stadas fatgas da far ina indemnizaziun per l'expropriaziun dalla via nova. Ha la vischnaunca decretau da schar sura als geraus da recavar sche pusseivel seigi silmeins 2500 frs. seigi lura da tgei maun ch'ei vegli.

17 da fever 1867

Eis ei legiu giu la cunvenziun fatga cun la venerabla claustra appartenet il gentar da s. Martin ed ei vegniu approbau tal e qual sco quel plaida.

7 d'avrel 1867

Ha il president legiu giu la brev ed accord fatgs cun la venerabla claustra, davart il gentar da s. Martin denter il reverendissim monsignur avat d'ina vart e da l'otra vart il "forstand" u geraus dalla vischnaunca da **Tujetsch**. Ei lura dalla vischnaunca approbau tal e qual sco el ei screts.

Correspondenza en connex culla marena/gentar da s.Martin

- 05-09-1866 Brev dil Cussegl Pign
- 18-09-1866 Brev al Cussegl Pign
- 22-09-1866 Cussegl Pign alla vischnaunca pert. il gentar da s. Martin davart la liberaziun da quei buordi per la claustra
- 30-09-1866 Brev al Cussegl Pign
- 02-10-1866 Vischnaunca al Cussegl Pign pert. il gentar da s.Martin
- 16-10-1866 Brev dil Cussegl Pign pert. il gentar da s.Martin e la proposta dad acceptar la summa da 2000 frs. e schar pagar ora il gentar da s.Martin entras la claustra.
- 13-11-1866 Convenziun dils 13 da november 1866, suttascretta da +Paulus Birker

Convention

Zwischen der Löbl. Gemeinde Tarnetsch und dem Kloster Disentis wird folgendes Abkommen, Einverständnis geschlossen:

Es werden mit der genannten Gemeinde anstehende Gemeindefälle durch den Selzsch. Abkömmling, Herrn Maximilian Grafen von Sulzberg, dem Kloster von dem bischöflichen Kloster-Mittelwald zu Gunsten der Gemeinde Tarnetsch und auch der Landgemeinde ihrer Pfarrer u. ihrer Pfarrmutter der Kreuz- oder Sankt Michaels 55, so die jährliche Bot Mangelführung des Klosters gegenüber der Gemeinde von dem vorgenannten Mithelwald der selben Summe verpfändet.

Dies für das Jahr 1866 nachstehendes Buch von dem Grund der Tractate von dem Kloster an die Löbl. Gemeinde Tarnetsch zugestanden zu Gunsten ihrer Pfarrer, Pfarrmutter 55.

Einmal dieses Abkömmlings sind alle gegen seitigen Verbindungen in Entfall der ungenannten Selzsch. Abkömmling. Einmal von 7650 fr. u. jedes der Landgemeinde aufzugeben.


Disentis, d. 13^{ten} November 1866
+ Paulus Birker

Document dalla convenziun dils 13 da november 1866

1866 - Cundiziuns da furnir caltschina

Sulettamein il crap scalegl ed il crap da caltschina vegnan explotai, scriva pader Placi a Spescha igl onn 1806.

Las cundiziuns da barschar caltschina ein nudadas el contract da 1858. Il sorprendider ei Giusep Antoni Biscuolm ed el vegn obligaus da baghegiar in fuorn niev, in solid e bien en in liug segir dalla lavina e sper via. Quellas cundiziuns ha el anflau dretg dalla storta che semeina viers Pardatsch da Vaccas gest suenter la punt sul Rein da Nalps. Oz tradescha aunc ina muschna l'existenza da quei fuorn da caltschina. Fastitgs d'in auter fuorn dat ei lunsch si, cuort sut igl uaul, seniester dalla Val Caltgera. In auter fuorn ei baghegius ella costa dretga dalla Val Caltgera, in tochet en egl uaul, visavi la tiarza storta dalla via viers il mises. Pertuccont la lenna da barschar fuva quel posiziunus en in liug ideal. Quei fuorn ha survegniu l'attenziun dils responsabels per cultura ed ei aschia vegnius restauraus e dat oz aunc perdetga da quella lavur indispensabla pil product caltschina per l'erecziun dils edificis da mir ella val.



Cundiziuns che la vischnaunca da Tujetsch metta a quel che vul sorprender da ad ella furnir la necessaria caltschina annualmein.

Cundiziuns che la vischnaunca da Tujetsch metta a quel che vul sorprender da ad ella furnir la necessaria caltschina annualmein

1. Ch'il sorprendider seigi obligaus da ad ella annualmein furnir la necessaria caltschina, aschia ch'il sorprendider, aschigleiti sco ei vegn en il diember da 30 salmers, ei obligaus da barschar e quei enteifer il suandont temps digl εμπrem matg tochen s. Martin.
2. Enteifer quei temps ha la vischnaunca il dretg da fixar cura duei vegnir barschau.
3. Vegn fatg dalla vischnaunca in vischi da mesirar, la mesira dil qual duei ira co(a)relutif cun l'usitada mesa brel, quella mesira u vischi duei vegnir mesiraus a tgiembel e bein emplenius ora.
4. Otg da quellas mesiras formeschan in salmer.
5. Ei il sorprendider obligaus I: priu ora disgrazias u grondas malauras :I da garantir la caltschina, quei vul dir ch'il sorprendider seigi obligaus da bonificar alla vischnaunca per la lenna consumada, adumbatten anorma da 5 frs. il „Clafter“.
6. Sto il sorprendider baghegiar in fuorn niev e zuar solid e bien en in liug segir dalla lavina e sper la via I: manegiau denter il fuorn enasisum tochen oragiu la punt :I quei fuorn duei tener 60 salmers, quei tut sin sias spesas, sco era quel adina conservar e mantener en bien uorden ed era quel en bien stan e duvreivels schar anavos alla vischnaunca cura siu accord ei finius senza entgina indemnaziun.
7. Ei il sorprendider obligaus d'adina barschar la caltschina cun lenna secca, vul dir, duei adina ver lenna pinada igl onn avon e per barschar la caltschina sco era duvrrar leutier las romas che vegnan dalla lenna pinada per quei intent.

8. Ha il sorprendider il dretg da prender la crappa da caltschina, sco la lenna da barschar quella, ord ils loghens leutier predestinai, cheu da ver els uordens da vischnaunca e quei per nuot u senza pagar enzatgei persuerter alla vischnaunca.

9. Era ei il suprendider obligaus da dar, sch'ei vegn garegiau ina sufficienta garanzia, ch'el vegli vegnir suenter allas sura cundiziuns, onn e mintg'onn, aschiditg sco igl accord cuoza.

1866 en settember, ei vegniu surdau il barschar caltschina per nosa vischnaunca sut las cheu avon prescettas cundiziuns per diesch onns al Giuseph Antoni Bisculm a **Mustér**, il qual ei s'obligaus sut las avon prescettas cundiziuns da furnir alla vischnaunca quels diesch onns caltschina per 3.50 frs. il salmer.

Biscuolm Giusep Antoni



Igl onn 1866 ei il sura fuorn vegnius construius da Giusep Antoni Biscuolm e quei tenor artehchel 6^{dil} contract: Sto il sorprendider baghegiar in fuorn niev e zuar solid e bien en in liug segir dalla lavina e sper la via I: manegiau denter il fuorn enasisum tochen oragiu la punt :I quei fuorn duei tener 60 salmers, quei tut sin sias spensas, sco era quel adina conservar e mantener en bien uorden ed era quel en bien stan e duvreivels schar anavos alla vischnaunca cura siu accord ei finius senza entgina indemnisaziun. La restauraziun ei sefatga igl onn 1993.

1868 - Cunfins Curnera e Maighels


Viers sid s'extendan quater vals, entschiet egl ost cun la Val Gierm, lu Val Nalps, Val Curnera e sco davosa la Val Maighels. Maighels e Curnera formavan antruras in'alp. L'alp Curnera senza Maighels ei ida igl onn 1540 en possess dalla vischnaunca da Faido el Tessin.

La davosa terminaziun era daventada il settember 1857 cul giavisch da puspei renovar ils tiarms suenter 10 onns. Schizun in tiarm tagliaus ora sin in crap culla annada 1672 vegn menziunaus ella suandonta terminaziun.

Mess per memoria ils cunfins e terminaziun dall'Alp Curnera e Maighels

Essend che la vischnaunca da Tujetsch ha igl onn 1857 giu tarmess treis delegai en Curnera per verificar ils tiarms e cunfins dalla detga alp cun ina deputaziun dalla vischnaunca

da **Faido** (Fait), sche ei quei daventau sut ils 3 da settember 1857, ils delegai, ton d'ina part sco da l'otra, han lura concludiu, che suenter 10 onns duei ei puspei vegnir intercuret e verificau ils tiarms.



Igl onn 1868, igl uost, ei puspei, per corrispunder al sura conclus, vegniu verificau ils tiarms dalla sura alp, ed ein stai ils sequents delegai davart dalla vischnaunca da **Faido**, signur cumissari Geneli e signur Artanasi; davart dalla vischnaunca da **Tujetsch**, signur gerau assistent Schmit, signur gerau Lorenz Jacomet, signur Fidel Paul Venzin.

En preschientscha dils sura delegai ein tut ils tiarms che spartan l'**Alp Curnera** cun **Maighels** e las **Vals Curnera**, vegni intercuret e tagliau ora novas cruschs sin ils tiarms e pegns ch' ein dasperas. Igl empram essan nus serendi a **Maighels**, ora sin la **Mutta da Rotenberg** giusum en in bi fop, empau dadens ei ina valetta che va giu in dutg, ein in per tiarms ch' ein signai cun ina + per in, in fila dil spitg da **Rotenberg** orasi e l' auter fila agradgiu encunter l' aua che vegn orda **Maighels**, suenter essan nus serendi viagiu da tschei maun dall' aua, in toc ed enasi sur il **Stavel dallas Plattas**, grad per il trutg che va giun **Curnera**, ein in auter per tiarms sper in crap grond che ha ina

biala fatschada encunter l' aua, ils tiarms ein signai cun ina + perin, ed il crap ei signaus cun duas +, quels tiarms filan encunter quels silla **Mutta da Rotenberg**.

Suenter essan nus montai silla **Rabetscha**, pressapauc miez si e miez giu sper in crap grond, ch' ei signaus cun ina + ein in auter per tiarms signai cun ina + perin, ils quals filan giu encunter quels grad sura numnai dil **Stavel dallas Plattas**, ed ensi direct encunter il **Péz dalla Rabetscha**. Quest ei la terminaziun denter **Curnera** e **Maighels**.

Da leu naven essan i giun **Curnera** e montai viasi sisum il **Crest da Tschagugliuns**, in grond toc sisur il tegiet encunter in grep ch' ei signaus cun duas + ein in pèr tiarms ch' ein signai cun ina + perin, sin in ei tagliau ora igl „Jarzal“ 1672, empau giusut ei ina fontauna, ed enagiu sut vegn si ina val encunter. Quels tiarms filan agradgiu encunter la preit crap ed agradsi encunter il cuolm. Suenter essan nus vegni giusum la preit crap, sin il baun il pli giudem, cheu ei zuar en

negins tiarms, aber en in grep ei tagliau en ina + che survescha per tiarm e fila corelativ cun ils sura menziunai tiarms. Quest ei la terminaziun denter l'**Alp Curnera** e las **Vals**. Per cumissiun dallas parts mess per scret il sura atesta il suttascrit

Tujetsch egl uost 1868
Lorenz Jacomet



Il **Rein Anteriur**, dretg, s'entaupa cul **Rein** dalla **Val Curnera**, davostier il **Pez Badus**

1868 - Aua gronda

La historia da Tujetsch sa da duas auas grondas el decuors dil 19avel tschentaner, quella digl onn 1834 e lu igl onn 1868. Ils pertuccai digl onn 1868 vegnan susteni e la tabella cheusut muossa ora il donn. Pertuccai ein 106 persunas en 20 fiugs, da quei 52 carschi, 45 affons e 9 persunas carschidas buca hablas da luvrar. La malaura da 1834 ei stada bia pli grevionta e caschunau bia dapli donn. Mira pagina 436 «La malaura gronda digl onn 1834»

Document en connex cun la malaura digl onn 1868, igl 1. tochen ils 4 d'october

L'aua gronda ha caschunau donns da praus sut **Rueras** e numerus sbuaus a **Sedrun**. Il donn vegn calculaus sin 8665 frs.

Unterstützungsbefähigte Waffrennfähige in der Gem. Savelich.

Ganshaltung, Namen und Stand.	Zahl der Erwachsenen.	Zahl der Kinder.	Zahl der erwachsenen Arbeitsunfähigen.	Zotal der Personen.	Steuert. Kraft.	S c h a d e n.		Schon bezogene Unterstützung.	Besondere Bemerkungen.
						Zu Gunzen.	An Lebensmitteln.		
1 Giesi, Antoni, Landwirth	2			2		90	6.30		II
2 Beer, Anton, Schep	2	4		6		35	2.45		II
3 Mos, Wapil, z. F. u. u.	2	6		8		290	20.-		I
4 Beer, Gion, Wapil	2	6		8		90	6.30		I
5 Gaukonj, Loph, Ant.	2	2	1	5		85	5.95		II
6 Wabier, Marz.	1	1	2	4		25	2.45		I
7 Schmed, Margreth, W.	2			2		18	1.26		III
8 Rüdij, Fumisch	4		2	6		10	90		I
9 Wabier, Wapil	2	6		8	2500	55	3.85		III Hauptung d. Wapil Sch. u. u.
10 Berthar, Gieschen, Fanz	2	1		3		220	18.40		I
11 Gierich, Ant., Auwas, Ch. u. u.	2	1	1	4		160	11.20		II
12 Müllij, L. z. d., Roden	4		1	5	1000	85	5.95		III
13 Mos, Schuadrina, Auwas	2			2	1000	35	5.95		II
14 Palp, Loph, Marcin, Steiner	4		1	5		20	1.40		I
15 Schmed, Ch. Marz, Landwirth	2			2		47	1.20		II
16 Giesi, Kockel, W.	7			7		30	2.10		I
17 Poler, Marz, z. F. u. u.	2	7		9	2000	120	11.90		II
18 Beer, Gion, Paul	2		1	3		60	4.20		II
19 Deflarin, Gieschen, Ant.	2	5		7	2000	95	6.65		II
	51.	40.	9.	100.	9500	1650.			
20 Schuadrina, Gieschen, W.	1	52	5	6	2500	400	28.-	14	II
						750	17.50		
					9500	160.70			
							113.21		

Chen effectus per

Els protocols da vischnaunca:

1868

Ha la vischnaunca, tenor giavisch dil ludeivel obercheit da cumin, tratg ora dus schazegiaders pervia da far ora ils donns che l'aua e bovas han caschunau a nossa vischnaunca entras la malaura e dessignai ein genau Schmed e genau Duri Venzin.

1869

Ha il president fatg da saver a quels che vevan pigliau donn dallas auas, che vevan schau per far uors, che dueien vegnir ensemen per mirar nua ei veglien metter quels daners ni sch'ei veglien prender mintgin il siu.



Cheu ves'ins memia bein con damaneivel dil vitg ch'il **Run** ei zacu vegnius. Quei vegn ad esser stau cumbinai cun bia sgarschur e tema. Segiramien han ins suenter quella "catastrofa" curregiu il vau dil **Run** e menau el permiez giuado. Deplorablamein dat ei neginas menziuns historicas da quei mument.

Igl onn 1834 fuva la situaziun gia quella sco sura, gliez onn ei il **Run** semenaus, entras ch'il vau era forsa sestuppau, sill'altezia dalla piazza da giug dad oz vi enviars la spunda e tagliau naven ina part dil santeri da s.Vigeli. Da quella disgrazia, "aua gronda egl entir **Grischun**" mira: La malaura da 1834 pagina 436



Impressiun dil **Run** giudem **Gonda** entuorn 1910. Dretg dil **Run** il fallun dils Solivas ch'ei vegnius dislocaus igl onn 1918 giusut la punt sin pastira dil **Run** ed en quei liug ei la casa da maschinas dalla IET vegnida eregida. (Foto: Relasch Jakob Hunziker, Archiv dil stadi Aargau)

1868 - Uorden da lavur cumina

Protocol da vischnaunca dils 20 da mars 1868:

Eis ei mess avon il pareri che la cumissiun ha luorau ora pervia dalla lavur cumina schon fatga e tenuta quen, che quella duei vegnir ulivada. La restonta che resta anavos duei sin primavera vegnir fatg ademplir cun lavur cumina da mundar pastiras u vid vias entochen ch'els vegnan ulivs, cass cuntrari, sch'ei fuss tals che vegnessen buca tier tala lavur cumina, sch'en gliez cass duei vegnir fatg pagar tals particulars ina taxa da 1.50 frs. entochen 2 frs. per di tut quels che restan lura anavos da lavur cumina.

Plinavon ha la cumissiun luorau ora in plan co far pervia da tuttas lavurs cuminas da vischnaunca da cheu naven, seigi allura vid punts, trer chis ed autras lavurs. Ha la cumissiun luorau ora sco cheu plaida:

1. Duei vegnir fatg rots da sis fiugs e quei en scadin vischinadi, duess ei en in vischinadi u l'auter esser ch'ei dess buca in rot entir, sche dueien ils auters rots vegnir fatgs pli gronds da maniera che mintga vischinadi hagi en rots tut ses vischins. Era duei vegnir fixau per scadin rot in „Rotmeister“ e dadas giu al signur president gerau Lucas Caveng las gliestas dils rots e quel vegn lura a tener quen tuttas lavurs cuminas da vischnaunca generalas.
2. Duei vegnir mess ord ils vischinadis in che miri sin las punts e quei mintgamai las punts dil vischinadi il pli damaneivel, il qual vegnan aschia: **Cavorgia** e **Surrein** duei esser dus che miran la punt da **Pardatsch**, giu **Claus** e quella da **Cavorgia Sura**. **Sedrun** e **Bugnei** quella dil **Run**, **Rueras** la da **Surrein** e quella che vegn duvrada d'ira viagiu las **Rueras** e quella da **Ravarolas**. **Selva** quella da **Surrein**. **Tschamut** sias duas punts e quels dueien ver quitau persunter e sch'il basegns damonda dumandar lavur cumina sco quei che fa basegns per far u reparar e quei tier il president da vischnaunca.
3. Scadin „Rotmeister“ duei esser obligaus, cura ch'el vegn avisaus a lavur cumina, da prender ses umens cun el ed ira tier la lavur ch'ei fixada. Duess in u l'auter da ses umens muncar dalla lavur cumina, sche croda el en castitg da 1.50 frs. per di. Duess tal buca pagar quei castitg sura fixaus e lai el da pagar quel entochen igl atun che vegn purtaus cun il quen da stalter, sch'en gliez cass croda tal tier in castitg da 2 frs. per di, adina aber entelgiu, ch'in tal che maunca da lavur cumina, hagi aunc in tetel da nunpusseivladad.
4. Scadin „Rotmeister“ duei esser obligaus da dar rapport al signur president tgi seigi stau a lavur cumina, ni muncau e pagau il castitg e quei ton pli spert da maniera ch'il president sappi tener ina gesta ulivaziun da lavurs cuminas da vischnaunca, sco era metter a quen tuts ils muncai e tgei igl ei pagau en da quels, da maniera ch'ei mondi buca a piarder alla vischnaunca ni daventar malulivada da lavur cumina da vischnaunca.


1869 - Accord cul mustregia

Il mustregia, ni mustregialiufas, il mustregiapors (tenor vocabulari rom./tud.: Mann, der die weiblichen Schweine für die Mast verschneidet.)

Its 6 da matg 1866 noda il protocollist da vischnaunca: Eis ei vegniu mess avon igl accord fatgs cun meister mustregia Gion Giusep Baselgia da Cumpadials, il qual ei approbaus dalla vischnaunca tal e qual sco el ei secrets.

Accord cun meister mustregia Gion Giusep Baselgia

Tujetsch, ils 13 d'avrel 1869



Denter meister mustregia Gion Giusep Baselgia da **Cumpadials** d'ina vart e da l'autra vart la vischnaunca da **Tujetsch**, representant da quella gerau Giachen Antoni Schmet, eis ei vegniu serrau giu il suandont accord.

1. Meister Baselgia surpren da schubergiar e rugalar tuttas liufas ch'ei en nossa vischnaunca e per scadina dueien ils particulars pagar 45 raps ina e vegnir treis gadas per onn, l'emprema il meins avrel, l'autra igl empren da zercladur e la tiarza sch'igl ei sis liufas igl empren d'october.

2. Dues ei buca esser sis liufas la tiarza gada ed el stuess vegnir en mo per treis entochen sis, sche dueien quels stuer pagar 90 raps ina.

3. Dueien ils vischinadis esser obligai da far da saver otg dis avon ch'il meister vegni al gerau, contas liufas ei seigi da schubergiar en scadin vischinadi u en ils mises e zuar en questa moda: al gerau da **Sedrun** dueien ils dus vischinadis da **Maun Sut**, **Bugnei** e **Sedrun** far da saver.

Per **Gonda**, **Camischolas** e **Zarcuns** dueien quels far da saver a siu gerau. Per **Rueras** e **Dadens** gl'**Uaul** al gerau da siu liug.

4. Dueien tuttas brevs da corrispondenza esser francadas, ton d'ina vart sco da l'autra.

5. Igl avon accord ei serraus giu che negin possi schar rugalar auters meisters, num ch'el paghi aunc ina gada al meister Baselgia per quella liufa, che vegnessen rugaladas d'auters meisters.

6. Igl avon accord ei serraus giu per treis onns dad oz naven ed aunc treis onns en remessa dil meister e la vischnaunca, sch'ei sesanflan cuntents, ton ina vart sco l'autra, priu ora il cass da mort dil meister, sche fuss ei rut tut.

Aschia serrau giu denter las parts e da quellas vegnius attestaus cun suttascripziuns.

Il meister
Gion Giusep Baselgia

Per la vischnaunca da **Tujetsch**
Giachen Antoni Schmet, gerau

Matg, ils 6, anno 1869
Legiu avon alla vischnaunca ed approbaus da quella.

